



UNDANG-UNDANG MALAYSIA

CETAKAN SEMULA

Akta 161

AKTA PENSTABILAN HARGA GETAH 1975

Mengandungi segala pindaan hingga 1 Januari 2006

DITERBITKAN OLEH
PESURUHJAYA PENYEMAK UNDANG-UNDANG, MALAYSIA
DI BAWAH KUASA AKTA PENYEMAKAN UNDANG-UNDANG 1968
SECARA USAHA SAMA DENGAN
PERCETAKAN NASIONAL MALAYSIA BHD
2006

AKTA PENSTABILAN HARGA GETAH 1975

Tarikh Perkenan Diraja 21 Ogos 1975

Tarikh penyiaran dalam *Warta* 28 Ogos 1975

CETAKAN SEMULA YANG TERDAHULU

Cetakan Semula Yang Pertama 1998

Cetakan Semula Yang Kedua 2001

UNDANG-UNDANG MALAYSIA

Akta 161

AKTA PENSTABILAN HARGA GETAH 1975

SUSUNAN SEKSYEN

Seksyen

1. Tajuk ringkas
2. Tafsiran
3. Majlis Penasihat Negara bagi Penstabilan Harga Getah
4. Stok getah
5. Peraturan-peraturan
6. Pindaan Ordinan Kumpulan Wang Perusahaan Getah (Penanaman Semula) 1952

JADUAL

UNDANG-UNDANG MALAYSIA

Akta 161

AKTA PENSTABILAN HARGA GETAH 1975

Suatu Akta untuk membuat peruntukan bagi penyelarasan, pelaksanaan dan pengawalan aktiviti yang perlu bagi penstabilan harga getah dan bagi maksud ini menubuhkan suatu majlis penasihat dan untuk membolehkan suatu stok getah diadakan dan untuk membuat peruntukan bagi perkara yang berkaitan dengannya.

[1 Disember 1975, P.U. (B) 477/1975]

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

Tajuk ringkas

1. Akta ini bolehlah dinamakan Akta Penstabilan Harga Getah 1975.

Tafsiran

2. Dalam Akta ini, melainkan jika konteksnya menghendaki makna yang lain—

“Majlis” ertinya Majlis Penasihat Negara bagi Penstabilan Harga Getah yang ditubuhkan di bawah subseksyen 3(1).

Majlis Penasihat Negara bagi Penstabilan Harga Getah

3. (1) Bagi maksud Akta ini dan untuk menasihatkan Menteri atas perkara berkenaan dengan penstabilan harga getah, dengan ini ditubuhkan Majlis Penasihat Negara bagi Penstabilan Harga Getah.

(2) Majlis hendaklah terdiri daripada—

- (a) Ketua Setiausaha Kementerian Perusahaan Perladangan dan Komoditi, sebagai Pengerusi;
- (b) seorang wakil dari Perbendaharaan, Malaysia;
- (c) seorang wakil dari Unit Perancang Ekonomi, Jabatan Perdana Menteri;
- (d) *seorang wakil dari Kementerian Perancang Am dan Penyelidikan Sosio Ekonomi;
- (e) seorang wakil dari Bank Negara Malaysia; dan
- (f) seorang yang mempunyai pengetahuan luas dalam perusahaan getah yang dilantik oleh Menteri.

(3) Menteri boleh melantik tidak lebih daripada tiga orang ahli tambahan untuk menjadi ahli Majlis.

(4) Peruntukan Jadual hendaklah terpakai bagi Majlis dan ahlinya.

Stok getah

4. Bagi maksud menstabilkan harga getah, boleh diadakan suatu stok getah yang hendaklah dikawal selia mengikut cara yang ditetapkan oleh Menteri di bawah seksyen 5.

Peraturan-peraturan

5. Menteri boleh bagi maksud menjalankan peruntukan Akta ini membuat peraturan-peraturan dan tanpa menjejaskan keluasan yang disebut terdahulu, peraturan-peraturan itu boleh—

- (a) membuat peruntukan bagi pelaksanaan apa-apa perjanjian antarabangsa yang dibuat antara Malaysia dengan mana-mana negara lain untuk mewujudkan suatu skim bagi penstabilan harga getah dalam pasaran dunia;
- (b) membuat peruntukan bagi pelantikan pegawai untuk memeriksa stok getah yang dikehendaki disimpan di bawah Akta ini, memeriksa rekod mengenainya, dan secara amnya untuk menjalankan peruntukan Akta ini dan apa-apa peraturan yang dibuat di bawahnya;
- (c) mengawal selia pengurusan stok getah yang diadakan di bawah seksyen 4;

*CATATAN—Kementerian ini telah dibubarkan dan fungsinya kini diambil alih oleh Unit Perancang Ekonomi, Jabatan Perdana Menteri.

- (d) menghendaki semua estet dan kebun kecil getah didaftarkan dan membuat peruntukan mengenai cara pendaftaran;
- (e) melarang atau mengawal selia penggunaan kimia dan bahan lain yang merangsang pokok getah untuk mengeluarkan susu;
- (f) mengenakan penalti berupa denda yang tidak melebihi sepuluh ribu ringgit atau pemenjaraan yang tidak melebihi dua tahun atau kedua-duanya bagi pelanggaran mana-mana peruntukan peraturan-peraturan dan membuat peruntukan bagi pelucuthakan apa-apa getah yang menjadi hal perkara pelanggaran itu dan cara mengenainya.

Pindaan Ordinan Kumpulan Wang Perusahaan Getah (Penanaman Semula) 1952

6. Subseksyen 17(1) Ordinan Kumpulan Wang Perusahaan Getah (Penanaman Semula) 1952 [*Ord. 8 tahun 1952*] dengan ini dipinda dengan memasukkan selepas sahaja perkataan “this Ordinance” perkataan “and all other information relating to rubber estates and smallholdings and production, storage, sale and export of rubber”.

JADUAL

[Subseksyen 3(4)]

MAJLIS

1. Tempoh jawatan bagi ahli Majlis ialah selama tempoh satu hingga tiga tahun. Ahli layak untuk dilantik semula.
 2. Tempoh jawatan bagi seseorang ahli yang dilantik untuk mengisi sesuatu kekosongan ialah selama baki tempoh jawatan ahli yang telah mengosongkan jawatan itu.
 3. Jawatan seseorang ahli Majlis, selain seseorang ahli yang dilantik menurut jawatan adalah menjadi kosong—
 - (a) jika dia mati;
 - (b) jika dia menjadi bankrap, gila atau akalnya menjadi tidak sempurna;
 - (c) jika dia tidak menghadiri mesyuarat tiga kali berturut-turut tanpa izin Majlis; atau
 - (d) jika peletakan jawatannya diterima oleh Menteri.
 4. Tertakluk kepada peruntukan Akta ini Majlis boleh menentukan tatacaranya sendiri.
-

UNDANG-UNDANG MALAYSIA**Akta 161****AKTA PENSTABILAN HARGA GETAH 1975****SENARAI PINDAAN**

Undang-undang yang meminda	Tajuk ringkas	Berkuat kuasa dari
Akta 160	Akta Mata Wang Malaysia (Ringgit) 1975	29-08-1975

UNDANG-UNDANG MALAYSIA**Akta 161****AKTA PENSTABILAN HARGA GETAH 1975****SENARAI SEKSYEN YANG DIPINDA**

Seksyen	Kuasa meminda	Berkuat Kuasa dari
5	Akta 160	29-08-1975
